

佛本行集經卷第二十九

君九

隋天竺三藏法師闍那崛多譯

魔怖菩薩品第三十一之三

爾時魔衆如是異形或乘白象或復騎馬或乘駱駝水牛犀牛諸車乘等四面雲集或以脩羅類迦婁羅君九或復有如摩睺羅伽及鳩槃荼羅刹夜叉并毗舍遮死命鬼等或復身體羸瘦長大猶如餓鬼或有多種異狀形容或有面孔威德甚大或頭如索或有大頭或有小面或有皺面或有異形令人見者喪失威色或見奪人魂魄精神或面色青或復身體色如赤銅或復頭赤身體青色或復頭黃身如烟色或頭似烟其身黃色赤頭黑身黑頭赤身白頭綠身綠頭白身或頭左白而右邊綠或右邊白而左邊綠或復身體頭面左右

一切皆然或復全身唯現骸骨或頭觸體身肉肥滿或頭面肉身露骨骼或人手足畜生之身或畜生脚而作人身或有身毛悉如針刺或有身毛猶如猪鬚或有身毛類於驢駿或毛如羆獮猴鼠狼或有身毛出於光炎或毛亂生或毛逆上或有頭髻或禿無髮或著赤衣腰帶雜色或復頭上戴觸體髮或一頭上髮雜灰色青黃赤白烟熏之色觸體爲冠如是形狀雲集而來或手執持法仗傍伽此言  
牀四分之一并脚或有腰帶懸於諸鈴動作大聲而其手中執人觸體或人骸骨以爲華鬘或復手執死人手足或復執鈴手搖令鳴或有身體長大猶如一多羅樹手中執矛或劍或刀箭束弓弩或手執戟或把三叉或棒或輪長刀利鉄或持鐵杵頭出猛炎鐵鏈白棒

擎石如山或著青衣黃赤白黑雜皮之衣或有赤體以蛇纏身或從眼耳鼻出諸蛇其蛇黑色以手執取於菩薩前而口噉食或食人肉或有飲血或身體上出蓬烽烟口出火炬或諸毛孔出一切火或齧出火逆散於地或

君九

二

於虛空出大黑雲或虛空裏飛風散雨出大閃電震動雷聲空中下雹雨諸山石或下碎石霹靂大樹或有節節自支解身或復張弓或復拍手噭呼欲令生於恐怕或作大聲口叫喚言速起馳走莫住此處或復化作老婦女身舉其兩手大聲而哭嗚呼我子嗚呼兄弟或復大笑或復周樟東西南北急疾奔走或復背走還向來或忽然起或忽然飛於虛空中遊戲自在或復攀樹懸身而行或舞劍跳或弄槊戲長刀三叉鉄鎌戟等手脚不

住或如盛夏牛王唱吟或復作聲如尸婆獸或復空中作如是聲呵呵𠵼𠵼嘶嘶啞啞嚦嚦口如是嘯兼復弄衣如是兵衆夜叉羅刹及鳩槃茶毗舍遮等無量無邊百千萬億閻塞填咽菩提樹前南至於海偏滿魔軍其間無有針鼻空地變狀可畏欲搗菩薩欲煞菩薩唯待魔王波旬一勑其等正向魔王面觀諸如是等一切鬼神逼菩提樹飢渴疲乏而意專欲殺害菩薩其菩提樹東西及北三面無量淨居諸天徧滿停住復有無量色

君九

三

界諸天合十指掌頂禮菩薩口如是言諸仁者看是今應證阿耨多羅三藐三菩提或有諸天作如是唱刹利大姓甘蔗種子速離此處此處恐畏有如是等種種器仗損害汝身爾時菩薩報彼等言我今不久定破彼輩惡

令離散猶如風吹蠶上細華彼等一切諸魔  
鬼衆如是集時其夜正半虛空無明雖復有  
月及以衆星光並不現甚大黑闇假令有眼  
亦無所覩唯見大火起疾猛風聲大可畏大  
地震動四海悉沸而說偈言

四大海沸地震動 十方火炎聞惡聲

虛空星月翳不明 夜半黑暗無所見

時彼衆中有一龍王名曰持地彼龍內心欲  
菩薩勝於魔王邊生瞋恨心以惡意故怒其  
兩眼視魔波旬口吐惡氣觸魔王身展轉不  
安爾時上界淨居諸天欲菩薩勝於魔王邊  
生慈愍心以漏盡故無復瞋心是時彼處所  
有諸天其有信敬於菩薩者在菩提樹見是  
魔衆徧滿於地擾亂菩薩見已皆悉在虛空  
中口各唱言嗚呼嗚呼而有偈說

菩提樹下集諸天 見魔衆欲害菩薩  
信法世間解脫故 口大唱言嗚呼聲

爾時菩薩唯思念法心不擾亂亦復不作餘  
異意情時菩薩語魔波旬言欲界天子我身  
既是刹利族姓我之種類不曾妄語唯有實  
誓汝何所作可速疾爲莫久停住時魔波旬  
語菩薩言如汝所語我今欲得破碎汝身作  
於百段爲汝在前欲共我鬪爲復令我在前  
害汝時菩薩語魔波旬言我無弓箭及以刀  
仗可斫射汝君九其事雖然但我即今必先降汝  
訖當作佛爾時魔王波旬即勑自軍衆言汝  
等各自盡身力用勇猛莫住恐怖於此釋種  
之子現大變動恐怖之事時其魔衆既得勑  
已白魔王言如大天勑我等不違即便各各  
出自身力示現可畏恐菩薩故是魔衆中或

有諸鬼口吐長舌搖動頤頷牙齒甚利欲敵菩薩其眼圓圓猶如師子其耳卷曲猶如鐵鈎欲傷菩薩狀甚可畏走向菩薩作是恐怖或有張口仰立直視欲吞菩薩而有偈說魔衆如是可畏來彼聖卓然不驚動

如大智見小兒戲菩薩觀魔亦復然

時彼衆中更有一鬼生瞋恨心將一長刀向菩薩擲而刀自粘彼手不脫或有擎山及將大石向菩薩擲彼山及石還粘其手皆不墮地或在虛空將山將石將樹將鉗鉄鉞戟戈向菩薩擲復有住在虛空不下或有下來自然碎末百段分散墮於餘處或在空裏猶如日天雨大火雨熾然雲下而彼大雨菩薩力故即皆變成赤狗勿頭華雨而下或復來有在菩薩前口吐諸蛇令螫菩薩彼等諸蛇至

地癱住如被呪禁不能搖動或作大雲放於閃電及震大雷雨雹及石在於菩提樹上而放彼等雨以菩薩力故至地變成種種華雨或持弓箭向菩薩射其箭悉還著弦不落或有一時放五百箭彼等箭還住空不下或執長刀舉向菩薩而疾走來然其未至於菩薩邊而自踣面覆倒地上是時有一羅刹之女其身黑暗手執髑髏欲來幻惑動菩薩心疾走而來欲近菩薩從其發處展轉圍困不能前進到菩薩邊或有兩眼放大熾盛猛炎火光欲燒菩薩疾走來近至菩薩邊忽然不見菩薩之身或復有鬼將重大石疾向菩薩彼所來方走不能至菩提樹下極乏困苦而有偈說

魔軍身意悉亂迷種種方便欲害聖

不能驚動彼坐處 以有誓願智力強

或復有作師子吼聲或作虎狼熊羆豺豹諸野獸聲而彼輩聲若有聞者無量衆生皆悉恐怖或有諸鬼作如是聲誅殺誅殺此釋種子或有諸鬼作如是聲擊撲擊撲此刹利子或有諸鬼作如是聲打煞打煞此沙門子或有諸鬼作如是聲傷害傷害此瞿曇種或有諸鬼作如是聲割截割截此甘蔗種或有諸鬼作如是聲碎末碎末此刹利種或有諸鬼作如是聲破散破散此釋種子或有諸鬼作如是聲摧壞摧壞此刹利子或有諸鬼作如是聲速滅速滅此沙門子或有諸鬼作如是聲節解節解此瞿曇子或有諸鬼作如是聲隨意隨意遂便所作或有諸鬼作如是聲任情任情速作莫住如是喧動不可得聽此聲

君九

六

聞時空可倒地一切大地可段段分聞此聲時所有野獸皆大唱喚四散馳走一切諸鳥在所聞此聲吼之時皆悉從樹自撲落地時彼魔衆一切諸鬼或有作於哂哂聲者或復有作邬梨聲者或作嘯聲或言斫斫或言斷斷或言煞煞或言割割或言破破或言節節或言解解如是惡聲不可稱數其魔波即拔利劍手執前趨欲嚇菩薩疾走而進口中唱言汝釋比丘若安此座敢不起者我必害汝而彼魔王東西交過欲近菩薩不能得前是時魔王長子商主即以兩手抱魔王身口如是言父王父王願莫願莫父王會自不能得煞悉達釋子亦不能動此之坐處無得無量無邊過罪時魔波旬不受其子商主之諫向菩薩走不肯還遠爾時有一淨居天子在

虛空中隱身不現見魔波旬以散亂心走惱  
菩薩天以定心出微妙音語波旬言汝魔波  
旬不自限量汝今不應擾亂此聖汝速疾捨  
幻惑惡心還本境界汝終不能搖動此聖所  
以者何猶如猛風不動須彌時淨居天向魔  
君九  
波旬而說偈言

寧令火失於熱性 水失潤澤住不流  
地失牢固不昇持 風失吹動帖然靜  
此無量劫行功業 終不捨此誓願心  
見世困苦厄衆生 慳貪欲癡重病患  
發慈悲愍是等故 欲以智藥顯聖醫  
汝今何故作艱難 一切人多墮邪道  
彼今欲開正見眼 此是大聖解脫王  
此是導失道商人 無明衆生墮黑暗  
此欲然於智燈照 此聖欲入涅槃城

秉炬欲破世間昏 忍辱枝幹心根蘚  
信念華葉意莖固 智樹能與法果資  
汝今不應拔使傾 又汝今被癡繩縛  
彼欲解脫汝等結 堪可於彼生惡心  
彼求解脫欲教他 汝作障礙徒疲乏  
衆生沒大煩惱海 世間誰解作船師  
彼欲建立大橋梁 汝今何故興此惡  
其昔劫修諸道行 彼等果熟是今時  
是故此樹下結跏 猶如往昔諸先聖  
時魔波旬從彼淨居諸天邊聞如是語已起  
增上慢倍生瞋心復速疾走向菩薩所欲害  
菩薩爾時彼處護菩提樹有八天神一名功  
德二名增長三名無畏四名巧誓五名威德  
六名大力七名實語八名善會彼等八神仰  
瞻菩薩目瞬不交一時同以十六種相讚歎

菩薩作如是言仁今最勝清淨衆生光明照耀猶如天上日月在空仁今挺特清淨衆生顯赫炎熾猶如空裏日天初出仁今皎潔清淨衆生衆相開敷如綠池內紅蓮華發仁今無畏清淨衆生奮迅自在如師子王處大林

君九

八

內仁今安靜清淨衆生不驚不動如須彌山王出住海中仁今清淨周帀顯現時立猶如大鐵圍山牢固不動仁今沉重審諦衆生衆德備具猶如大海衆寶充滿仁今舍容意度寬廣日日增長猶如虛空無有邊際仁今敦厚無諸邪曲心意正定猶如大地養育衆生仁今心意無有垢濁具足猶如阿耨達池清淨之水備八功德仁今斷除一切諸結心意無染猶如大風不著諸世仁今巍巍難可觀覩面目猶如猛火熾盛遠離一切諸煩惱熱

仁今勇健剛鞞衆生大力如彼那羅延天無人能伏仁今精進歷劫熏修心意難迴猶如帝釋放金剛杵仁今已得第一善利最爲一切衆生上首具足十力不久當成無上菩提爾時守護彼菩提樹諸神王以十六種相讚歎菩薩章句如是本闡一讚爾時色界淨居諸天復共同以十六種相毀辱魔王挫其勢力何等十六波旬汝今無有威勢猶如獐人被健兒伏妄言我勝波旬汝今一身獨自無有伴侶猶如曠野被放患人波旬汝今一切軍衆

君九諸力摧折如負重之羸瘦老牛波旬汝今愚

盲穢惡無有清淨如夜射箭墮不淨地波旬汝今猶跛瞎驢東西浪行落邪嶮道如迷商人波旬汝今眷屬離散身無精光猶如負草貧窮乞兒波旬汝今威德實衰無處依止強

作奸猾猶如癡人無有羞耻波旬汝今造業不淨多有垢膩如無恩義孝德之人波旬汝今被他驅趕猶如野干被師子逐不得自在波旬汝今一切軍衆不久退散猶如猛風吹諸飛鳥波旬汝今愚惑畧闇不知時節如死日到孤獨貧兒波旬汝今眷屬退散猶如散藥從於疎漏有孔器出波旬汝今不久當被禁制治罰猶如解理趣逐愚人波旬汝今須臾被斷一切身力猶如罪人被他割截手足異處本關二相時首陀會一切諸天以如是等十六種相毀魔波旬摧其力已時護菩提樹之八神還復共以十六種相重毀波旬何等十六波旬汝今不久之間被菩薩降猶如健兒被他賊殺波旬汝今被菩薩撲猶如怯弱羸瘦之人爲大力士之所搥打波旬汝今被菩

薩光之所覆蔽猶如日出障翳於彼小螢火蟲波旬汝今被菩薩威自然退散猶如一把碎末麥麩被大風吹波旬汝今被菩薩怖失腳馳走猶如小獸被師子追波旬汝今被菩薩拔如娑羅樹爲猛風吹合根倒地波旬汝今被菩薩破如怨賊城爲大力王之所摧滅波旬汝今被菩薩竭如牛跡水爲盛旱日之所乾涸波旬汝今被菩薩退低頭直走如得罪人爲他所殺忽然得脫波旬汝今被菩薩擾如野澤內遭大猛火飛鳥亂驚波旬汝今君九被菩薩伏心內憂愁如無法行忽失權勢下伐國王波旬汝今不久當被菩薩剥脫猶如無翅老病鴻鵠波旬汝今不久當被菩薩滅削如行曠野無糧食人波旬汝今不久當被菩薩劫奪如人失船沒於大海波旬汝今被

菩薩燒如劫盡時一切稠林樹木燼滅波旬  
汝今不久當被菩薩崩倒猶如金剛打壞石  
山是等天神以十六種毀魔波旬其魔波旬  
聞諸天神如是毀辱勸諫之時向菩薩走欲  
殺害故依實勸請被諸天神之所毀辱猶不  
解心不還本宮更復增忿勑兵衆言汝等速  
起急疾打散撮此仙人莫與其命是人今既  
自度彼岸於我界內復教無量無邊衆生出  
我之境我不放汝若汝自知得脫我手唯汝  
沙門速起馳去遠離於此菩提樹下則命久  
活不遭困苦爾時菩薩報波旬言若當使此  
須彌山王崩離本處一切衆生悉無復有一  
切星宿及以日月墜落墮地大海乾竭我今  
已坐菩提樹下不可移動魔復更瞋出麤惡  
言汝等捉此瞿曇釋子擎將飛行且緩莫煞

君九

十一

速疾將向我微妙宮五縛枷鎖手著杻械遣  
守我門令我數見如是因苦多種厄難猶如  
惡奴爾時菩薩報波旬言可此虛空將於妙  
色畫雜種形或復虛空及諸星宿并日月天  
墮落於地汝等諸魔滿足三千恐怖於我乃  
至樹下魔欲嚇我無有是處

菩薩降魔品第三十二之一

爾時魔衆盡其威力惱菩提樹不能驚動菩  
薩一毛有偈說言

天魔軍衆忽然集 處處打鼓震地噪  
吹螺及貝諸種聲 唱言子欲作何事  
今見此魔大軍衆 何不起走離此中  
汝今妙色如鑄金 面目清淨天人仰  
如是身體不久壞 此大魔衆難可當  
但看地上及虛空 諸種變現皆充滿

必欲共鬪恐不如 其若瞋忿或損身  
梵音迦羅頻伽聲 告諸夜叉羅刹等  
愚癡欲惱虛空體 今來怖我亦復然  
能以金剛破山王 或用口吹竭大海  
或猛瞋龍持手執 如是彼能動我心  
魔衆憤怒放火山 拔樹并根歷亂擲  
融銅赫赤星散注 或有手把惡毒蛇  
或駱駝馬白象頭 或貓野干獮猴首  
或瞋蛇龍吐氣舌 或復霹靂閃電飛  
雜雨土石雹金剛 或注鐵丸諸器仗  
槊矛長刀三叉戟 或現金剛齒毒蛇  
落地打碎樹枝條 種種兵甲大叫吼  
或有百臂射百箭 蛇口吐猛炎火光  
或捧鐵丸如須彌 或出可畏熾火雨  
倒地劈裂徹泉下 或有竄身前後圍

君九

十二

或在左右及足邊 顛倒手脚放烟火  
忽然還復口大笑 如是可畏諸魔軍  
菩薩見如幻化爲 如是魔力應奪命  
彼見猶如水中月 亦復非真男女形  
非我非命非衆生 眼耳鼻口身意等  
內外因緣各自有 是諸法爾造無人  
我作如此語非虛 不信當更作言誓  
如我今見於彼等 欲得恐怖於我來  
諸法體性及我身 一切悉空無有實  
是時魔軍夜叉衆等以諸形貌種種身體如  
是恐怖菩薩之時菩薩爾時不驚不怖不動  
不搖而彼魔王波旬更復增瞋恚心內懷愁  
憂徧滿其體不能自安而有偈說  
魔家眷屬大可畏 各作種種恐怖形  
見彼菩薩不驚惶 波旬心愁劇瞋恨

爾時菩薩作是思惟此魔波旬不受他諫造種種事而不自知我今可以如法語言斷其一切諸惡法行菩薩如是心思惟已語魔波旬作如是言魔王波旬汝善諦聽我本來此菩提樹下君九<sup>初</sup>之時將一把草鋪已而坐所以者何恐畏後時共魔波旬成於怨讐鬭諍相競惡口罵詈汝魔波旬造諸惡行無有善心我今欲斷汝魔波旬一切怨讐欲滅汝等一切惡業汝魔波旬若欲生於怨恨之心作如是念何故菩薩坐此樹下將草作鋪著糞掃衣汝心如是妬嫉此事汝魔波旬且定汝意我若成就阿耨多羅三藐三菩提後取如是等一切諸事付囑於汝願汝迴心生大歡喜魔王波旬汝今心中亦有言誓我等必當恐怖菩薩令捨此座起走勿停然我復有弘

大誓願我今此身坐於此座設有因緣於此坐處身體碎壞猶如微塵壽命磨滅若我不得阿耨多羅三藐三菩提時我身終不起於此處魔王波旬如是次第我等當觀是誰勇猛誓願力強有能在先成就此願或我或魔及汝軍衆若我福業善根力強我應成此誓願不虛是時菩薩向魔波旬而說偈言  
汝昔施一無遮會今得如是大威權  
我於無量億僧祇爲諸衆生種種施爾時魔王波旬復向菩薩而說偈言

我昔祭祀無遮會汝今驗我既非虛汝若干劫布施行誰信此言欲降我魔王波旬說此偈已是時菩薩不畏不驚不怯不弱專注不亂以柔軟心捨諸恐怖身毛和靡視瞬安詳伸其右手指甲紅色猶如赤

銅兼以種種諸相莊嚴具足無量千萬億劫諸行功德善根所生舉手摩頭手摩頭已復摩腳趺摩腳趺已以慈愍心猶如龍王欲視舉頭既舉頭已善觀魔衆觀魔衆已以千萬種功德右手指於大地而說偈言

此地能生一切物 無有相爲平等行

此證明我終不虛 唯願現前真實說

爾時菩薩手指此地作是言已是時此地所負地神以諸珍寶而自莊校所謂上妙天冠耳璫手瑣臂釧及指環等種種瓔珞莊嚴於是之時或復白象頓蹶而倒或馬乏臥或車脚折狼藉縱橫或軍迷荒不能搖動或復弩槊弓箭長刀羈索劒輪三叉戟翼小斧鉞鉄從於手中自然落地又復種種牢固鎧甲自碎摧壞去離於身如是四方爭競藏竄或覆其面踣地而眠或仰倒地乍左乍右宛轉屍移或走投山或入地穴或有倚樹或入暗林或有迴心歸依菩薩請乞救護養育於我其有依倚於菩薩者不失本心時其波旬聞大地聲心大恐怖悶絕躋地不知東西於上空劫施無遮會作是語已是時其地徧及三千丈夫我證明汝我知於汝往昔世時千億萬劫施無遮會作是語已是時其地徧及三千

大千世界六種震動作大音聲猶如打於摩伽陀國銅鍾之聲震偏吼等如前所說具十八相爾時彼魔一切軍衆及魔波旬如是集聚皆悉退散勢屈不如各各奔逃破其陣場自然恐怖不能安心失脚東西南北馳走當

是之時或復白象頓蹶而倒或馬乏臥或車脚折狼藉縱橫或軍迷荒不能搖動或復弩槊弓箭長刀羈索劒輪三叉戟翼小斧鉞鉄從於手中自然落地又復種種牢固鎧甲自碎摧壞去離於身如是四方爭競藏竄或覆其面踣地而眠或仰倒地乍左乍右宛轉屍移或走投山或入地穴或有倚樹或入暗林或有迴心歸依菩薩請乞救護養育於我其有依倚於菩薩者不失本心時其波旬聞大地聲心大恐怖悶絕躋地不知東西於上空劫施無遮會作是語已是時其地徧及三千丈夫我證明汝我知於汝往昔世時千億萬劫施無遮會作是語已是時其地徧及三千

中唯聞是聲打其撮其捉其斫其殺其斷其  
黑暗之行悉令滅盡莫放波旬

佛本行集經卷第二十九

音釋